

SARS E TLHOMA GAPE SENTHARA YA DIKGWEBO TŠE KGOLO

JOHANNESBURG, 23 Oktobore 2019 – Khomišinare wa SARS Edward Kieswetter o tihomile gape Senthara ya Dikgwebo tše Kgolo meagong ya yona ya Woodmead lehono. Ge a be a bolela le dikhuduthamaga tša dikhamphani tše dikgolo, Mrn. Kieswetter o tlhagišitše tšhišinyo ya boleng bja gore tlhomo gape ya Senthara e tlo tliša obamelo ya boithaopo magareng ga koporeite ya Afrika Borwa.

Ponelopele ya SARS ya 2024, yeo e tsebagaditšwego ke Mrn. Kieswetter, ke go aga SARS ya sebjalebja ka botshepegi bja go se solege, bjo bo tshephiwago le go ratwa ke baswarakabelo ka moka, gammogo le bašomammogo ba ditšhabatšhaba.

Gabjale motšhelo wa letseno la koporeite ke kabelo e kgolo ya letseno, ka ge le tsentše 16.6% ya palomoka ya letseno ka ngwaga wa ditšhelete wa 2018/2019.

Mrn. Kieswetter o laeditše gore ditebo tša maano ao a tlo otelago Senthara ya Dikgwebo tše Dikgolo e tlo tsepelela go obamelo ya boithaopo, go koleka ga letseno ka phethagalo le kgonagalo, le go kaonafatša dikamano tša SARS le dikgwebo tše kgolo. Go tlaleletša, Senthara ya Dikgwebo tše Dikgolo e tloba senthara ya go šoma gabotsebotse yeo e tlo arabelago ka phethagalo ditlhotlo le dinyakwa tšeo di tlhagišwago ke karolo ye ya go tlhakathakana ya molefela motšhelo gape yeo e nyalelanago ditlwaetšo tše kaonekaone tša taolo ya motšhelo wa ditšhabatšhaba.

Tšhitšhinyo ya boleng yeo e fiwago ke senthara ya dikgwebo tše kgolo ke go tšwetšapele obamelo ya boithaopo ka tefišo ya fasefase go molefela motšhelo le SARS, ka tlhagišo ya ditebanyo tše tharo tša go ba le–

- Boikgafo bja kamano ya taolo ya intasteri, sektara, go tiišetša gore dihlopha tša motšhelo di abetšwe go moreki di na le botsebi bjo bo kgethegilego le kwešišo ya kgwebo ya moreki.
- Sehlopha sa mabokgoni a godimo gape sa seprofešenale go mehuta e mentši ya motšhelo ya go ba le dipofolio tše mmalwa tša motšhelo, go akaretša tša taolelo ya metšhelo e mentši. Go fihla ga bjale, SARS e nepile go nolofatša tlhaloso ya boikgafo bja balefela motšhelo le go kaonafatša phethagalo ya dikelo, diotiti le ditshepetšo tša tharollo ya dikganetšano.
- Taolelo ya bogare ya dinyakwa tša obamelo ya motšhelo wa molefela motšhelo go mehuta ya metšhelo yeo SARS e e šupetšago bjale ka tirelo ya mafelelo le mafelelo ya 'One-stop shop'. Tirelo ye e fa molefela motšhelo kamano ya go ya e ile le SARS bakeng sa dinyakwa dife goba dife tša motšhelo goba potšišo yeo molefela motšhelo a ka bago nayo, ka tswalano e tee ya sehlopha sa taolo seo se laolago dipotfolio tša bona ka moka tša motšhelo.

Karolo ya molefela motšhelo yeo Senthara e tsepeletšego go yona ke dikgwebo tše dikgolo tše di hlaloswago bjale ka dihlopha goba ditheo tša dipelo tša go feta R1 billion; di ngwadišitšwe ka *Johannesburg Stock Exchange*; ditirelo tša ditšhelete tša pelo ya go feta R500 million; dikhamphani tša moepo tša pelo ya go feta R500 million, ditheo ka moka goba dihlopha tša dikhamphani tša palomoka ya go kopanywa ya dithoto tša boleng bja go feta R100 million, gammogo le dikhamphani tša ditšhaba tše dintši. Karolo enngwe ya moreki ke ya *Ultra High Net-Worth Individuals* yeo palomoka ya dithoto tša yona e fetago R75 Million. Balefela motšhelo bao ba fihlelelago dikheraetheria tše ba ngwadišitšwe le Senthara ya SARS ya Dikgwebo tše Dikgolo.

Senthara ya Dikgwebo tše Dikgolo e hwetšagala ka Woodmead North Office Park, 54 Maxwell Drive, Johannesburg.